

A-MÔ·-SŪ (30)

1 Thê-ko-a bók-chiá-tiong A-mô·-sū ê oē. Chiah ê oē chiū-sī tī Iū-tāi ông O·se-a nī-kan, Í-sek-liát ông Iok-hat ê kiáⁿ Iâ-lô-pho-àm ê nī-kan, toē-tāng í-chêng nng-nī, sóⁿ khoàⁿ-kìⁿ koan-hē Í-sek-liát ê sū.

²I kóng, Iâ-hô-hoa tùi Sek-an âu-kiò, tùi Iâ-lô-sat-léng chhut I ê siaⁿ; bók-chiá ê chháu-tiūⁿ pi-ai, Ka-bit ê soaⁿ-téng ko·tâ.

³Iâ-hô-hoa án-ni kóng, Ūi-tiòh Tāi-má-sek hoān-choē kàu saⁿ-pái, iah kàu sī-pái, Goá bô beh bián i ê hêng-hoát; in-ūi i ēng phah gō-kak ê thih-khì phah Ki-liát. ⁴Goá beh kàng-hé tī Hap-siat ê ke, sio-biát Piān-hap-tát ê kiong-tiān. ⁵Goá beh chám-tng Tāi-má-sek ê mng-kong, chián-tū A-bùn pīⁿ-iūⁿ khiā-khí ê peh-siⁿ, kap Pek-i-tiān chiáng-koan-pèng--ê; A-lân lāng beh siū-liáh kàu Kiat-jīⁿ; che sī Iâ-hô-hoa kóng--ê.

⁶Iâ-hô-hoa án-ni kóng, Ūi-tiòh Ka-sat hoān-choē kàu saⁿ-pái, iah kàu sī-pái, Goá bô beh bián i ê hêng-hoát; in-ūi in liáh kui-chók ê peh-siⁿ kau hō· Í-tong. ⁷Goá beh kàng-hé tī Ka-sat ê siāⁿ-chhiūⁿ, sio-biát i ê kiong-tiān. ⁸Goá beh chián-tū A-sít-tút khiā-khí ê peh-siⁿ, kap A-sít-ki-lūn chiáng-koan-pèng--ê; iah beh oát-tng chhiú kong-kek Í-kek-lūn; Hui-lī-sū lāng sóⁿ chhun--ê, beh lóng biát-bô; che sī Chú Iâ-hô-hoa kóng--ê.

⁹Iâ-hô-hoa án-ni kóng, Ūi-tiòh Chhui-lô hoān-choē kàu saⁿ-pái, iah kàu sī-pái, Goá

bô beh bián i ê hêng-hoát; in-ūi in chiong kui-chók ê peh-siⁿ kau hō· Í-tong, iah bô kì-liām hiaⁿ-tī ê beng-iok. ¹⁰Goá beh kàng-hé tī Chhui-lô ê siāⁿ-chhiūⁿ, sio-biát i ê kiong-tiān.

¹¹Iâ-hô-hoa án-ni kóng, Ūi-tiòh Í-tong hoān-choē kàu saⁿ-pái, iah kàu sī-pái, Goá bô beh bián i ê hêng-hoát; in-ūi i kiáh-to tui-jip i ê hiaⁿ-tī, lóng bô lín-bín; i ê siū-khì beng-liát hoat-chhut bô soah, éng-oán khng siū-khì. ¹²Goá beh kàng-hé tī Thê-bān, sio-biát Pho-su-láh ê kiong-tiān.

¹³Iâ-hô-hoa án-ni kóng, Ūi-tiòh A-bùn-chók hoān-choē kàu saⁿ-pái, iah kàu sī-pái, Goá bô beh bián i ê hêng-hoát; in-ūi in phò-khui Ki-liát ū sin-īn ê hū-jīn-lāng, beh khui-khoah in ê keng-kài. ¹⁴Goá beh tī kau-chiàn hoah-hiām ê jīt, kúg-lê-hong kóng-hong ê jīt, khí-hé tī Láh-pa ê siāⁿ-chhiūⁿ, sio-biát i ê kiong-tiān. ¹⁵In ê ông kap i hiah ê siú-léng, beh choē chít-ē hō· lāng liáh-khì; che sī Iâ-hô-hoa kóng--ê.

2 Iâ-hô-hoa án-ni kóng, Ūi-tiòh Mô·ap hoān-choē kàu saⁿ-pái, iah kàu sī-pái, Goá bô beh bián i ê hêng-hoát; in-ūi i chiong Í-tong ông ê kut-thau sio choē he. ²Goá beh kàng-hé tī Mô·ap, sio-biát Ka-liók ê kiong-tiān; Mô·ap beh tī hoā-hoā-háu hoah-hiām pūn sàu-kak ê tiong-kan sí-bô. ³Goá beh tui i ê tiong-kan chián-tū sīm-phoàⁿ-sī, soà thài-sí in it-chhè ê siú-léng; che sī Iâ-hô-hoa kóng--ê.

⁴Iâ-hô-hoa án-ni kóng, Ūi-tiòh Iû-tâi lāng hoān-choē kàu saⁿ-pái, iáh kàu sì-pái, Goá bô beh bián i ê hêng-hoát; in-ūi in khi-sak Iâ-hô-hoa ê kà-sī, bô chûn-siú I ê lùt-lē; in ê liát-chó· só· thàn ê hu-ké hō· in kiáⁿ bê-lō·. ⁵Goá beh kàng-hé tī Iû-tâi, sio-biát Iâ-lō·-sat-léng ê kiong-tiān.

⁶Iâ-hô-hoa án-ni kóng, Ūi-tiòh Í-sek-liát lāng hoān-choē kàu saⁿ-pái, iáh kàu sì-pái, Goá bô beh bián i ê hêng-hoát; in-ūi in boē gī-lāng lâi tit-tiòh gūn, boē sòng-hiong lāng lâi tit-tiòh chit-siang oē. ⁷Sòng-hiong lāng thau-khak-téng ê tín-ai, sī in só· ì-ài, óng-khut un-jiú ê lāng ê lí-lō·; pē-kiáⁿ saⁿ-kap chhin-kūn chit ê siàu-liân ê hū-jîn-lāng, tì-kàu siat-tók Goá ê sèng-miā. ⁸In tī ták ê toān-piⁿ tó tī lāng choē chún-tèng ê saⁿ; koh tī in ê Siōng-tè ê chhù-lāi lim siū-hoát ê lāng ê chiú. ⁹Goá tui in ê bīn-chêng tui-biát A-mô·-lī lāng, hiah ê lāng koāiⁿ-toā chhin-chhiūⁿ pek-hiūⁿ-chhiū, ióng chhin-chhiūⁿ siōng-chhiū; chóng-sī Goá téng-bīn biát i ê ké-chí, ē-bīn choát-tēng i ê kun. ¹⁰Goá iā toā lín tui Ai-kíp toē chiūⁿ-lâi, tī khòng-iá chhoā lín sì-cháp nī, hō· lín tit-tiòh A-mô·-lī lāng ê toē choē-giáp. ¹¹Goá tui lín ê kiáⁿ-jī tiòng-kan heng-khí sian-ti, koh tui lín ê siàu-liân lāng ê tiòng-kan heng-khí Ná-sè-jīⁿ; Í-sek-liát lāng ah, kiám-m̄-sī án-ni mah? che sī Iâ-hô-hoa kóng--ê. ¹²Chóng-sī lín hō· Ná-sè-jīⁿ lim chiú, hoan-hù sian-ti kóng, Bók-tit kóng sian-ti oē. ¹³Khoàⁿ ah, tī lín só· tiām ê toē, Goá beh teh lín lōh--khi; chhin-chhiūⁿ chng-moá tiū-khún ê chia teh-tāng chit-iūⁿ. ¹⁴Gâu-cháu-ê boē-oē tô-thoat; ióng-chòng-ê bô lát-bé, ióng-béng-ê boē-oē ka-kī kiù sìⁿ-miā; ¹⁵kiáh-keng-ê boē-oē khiā-chāi; kha-pō· kín--ê boē-oē ka-kī kiù; khiā-bé-ê boē-oē ka-kī kiù-miā. ¹⁶Kàu hit-jit, ióng-

sū-tiong ū tám-lék--ê beh thng-chhiah-theh tô-cháu; che sī Iâ-hô-hoa kóng--ê.

3 Í-sek-liát lāng ah, tiòh thiaⁿ Iâ-hô-hoa só· kóng kong-kek lín ê oē, chiū-sī kong-kek Goá só· chhoā chhut Ai-kíp toē ê choān-ke ê oē. ²Tī toē-chiūⁿ bān-chók-tiong, Goá chí-ū bat lín; só·-í Goá beh pān lín it-chhè ê choē-koā. ³Nng-lāng nā bô saⁿ-iok, kiám oē saⁿ-kap kiáⁿ? ⁴Sai nā bô kâ-tiòh mih, kiám oē tī chhiū-nâ-lâi háu mah? Soē chia ióng ê sai nā bô só· tit-tiòh, kiám oē tui hiát-lâi chhut-siaⁿ mah? ⁵Nā bô tiuⁿ oáh-tauh, chiáu-á kiám oē hām-lòh toē-chiūⁿ ê lô-bāng mah? lô-bāng nā bô só· tit-tiòh, kiám oē tui toē-chiūⁿ hoan-khí-âli mah? ⁶Siāⁿ-lâi nā pūn sàu-kak, peh-siⁿ kiám bô kiaⁿ-hiāⁿ mah? Chai-ē nā kàu chit ê siāⁿ, kiám-m̄-sī Iâ-hô-hoa só· kàng-lòh--ê mah? ⁷Chú Iâ-hô-hoa, nā bô ēng I pì-bit ê ì-sù chí-sī I ê lô·pók chia ê sian-ti, chiū lóng bô só· kiáⁿ. ⁸Sai teh háu, chī-chui bô kiaⁿ? Chú Iâ-hô-hoa í-keng kóng, chī-chui bô kóng sian-ti ê oē?

⁹Tiòh tī A-sit-tút ê tiòng-tiān, kap Ai-kíp toē ê tiòng-tiān, pò-iông kóng, Lín tiòh chū-chíp tī Sat-má-lī-a chia ê soaⁿ, chiū khoàⁿ-kìⁿ kī-tiong ê toā jiáu-loān, kap hit lâi-bīn pō-giók ê sū. ¹⁰In-ūi in boē-hiáu-tit kiáⁿ cheng-tit, chiū-sī ēng kiông-pō kap chhiúⁿ-kiap ê mih, chek-chū tī in ê tiòng-tiān-lâi: che sī Iâ-hô-hoa kóng--ê. ¹¹Só·-í Chú Iâ-hô-hoa án-ni kóng, Beh ū tui-ték lâi uì-khùn chit ê toē, hō· lí ê sè-lék soe-bī, chhiúⁿ lí ê kiong-tiān. ¹²Iâ-hô-hoa án-ni kóng, Chhin-chhiūⁿ bók-chiá tui sai ê chhui, chhiúⁿ-chhut nng-ki kha, á-sī poàⁿ-tè hī-á, án-ni tiām Sat-má-lī-a ê Í-sek-liát lāng, the tī bīn-chhng-kak, á-sī chhu siū-hoe-thán ê bīn-chhng-ê, in ê tit-tiòh kiù, iáh put-kò sī án-ni. ¹³Chú Iâ-hô-hoa, bān-kun

ê Siōng-tè kóng, Lín tiòh thiaⁿ chit ê oē, iáh tiòh kan-chèng tī Ngá-kok ke. ¹⁴Goá pān Í-sek-liát choē-koà ê jít, iā beh pān Pek-ték-lī ê chè-toāⁿ; toāⁿ-kak beh siū chhò-chhih, tui-lòh toē. ¹⁵Goá beh húi i tang-thiⁿ ê chhù, hē-thiⁿ ê chhù; chhiūⁿ-gê ê chhù iā beh húi-biát, toā-chhù iáh lóng bô--khì; che sī Iâ-hô-hoa kóng--ê.

⁴Lín Pa-san ê gū-bú, tiàm-tī Sat-má-lī-a soaⁿ--ê, tiòh thiaⁿ chit ê oē; lín khi-hū sòng-hiong lāng, ap-chè kan-khó· lāng, tui in ê tiōng-hu kóng, phāng-chiú lāi hō· goán lim. ²Chú Iâ-hô-hoa kí ka-kī ê sèng lāi chiū-choā kóng, Khoàⁿ ah, jít-chí beh līm-kàu lín, lāng beh ēng kau liáh lín khì, ēng tiò-hi-kau liáh lín só· chhun--ê khì. ³Lín ták-lāng beh tui phoà-khiah tit-tit chìn-chēng khì, cháu-jíp Hap-būn; che sī Iâ-hô-hoa kóng--ê.

⁴Lín khì Pek-ték-lī hoan-choē, kàu Kiat-kah ke-thiⁿ lín ê choē; ták chá-khí hiàn lín ê chè-mih, múi saⁿ-jít hiàn lín ê cháp-hūn-chit; ⁵iáh hiàn ū-kàⁿ ê mih choē siā-un-chè, chiong kam-sim-chè lāi pò-iōng soan-thoan; Í-sek-liát lāng ah, che sī lín só· hoaⁿ-hí--ê; Chú Iâ-hô-hoa kóng i lah. ⁶Goá hō· lín tī ták ê siāⁿ-lāi chhui-khí lóng bô mih thang pō·, tī lín ê ták só·-chāi khiām-kheh bí-niū; lín iáu-kú bô kui-ng Goá; che sī Iâ-hô-hoa kóng--ê. ⁷Tī siu-koah í-chēng saⁿ gēh-jít, Goá kìm-chí lóh-hō· tī lín hia; Goá lóh-hō· tī chit ê siāⁿ, bô lóh-hō· tī hit ê siāⁿ; chit só·-chāi ū hō·, hit só·-chāi bô hō·, chiū ko·-tā. ⁸Án-ni nng-saⁿ ê siāⁿ ê lāng, sì-koè tian kàu chit ê siāⁿ chhē-chúi, iáh bô thang chí-khoah; lín iáu-kú bô kui-ng Goá; che sī Iâ-hô-hoa kóng--ê. ⁹Goá ēng ko·-tā hiú-noā kong-kek lín; lín ê hng ê chhut-sán, lín ê phū-tô-hng, bô-hoa-kó chhiū, kaⁿ-ná-chhiū, lóng hō· chián-thāng

chiah--khì; lín iáu-kú bô kui-ng Goá; che sī Iâ-hô-hoa kóng--ê. ¹⁰Goá kàng un-ék tī lín tiōng-kan, chhin-chhiūⁿ tī Ai-kíp ê khoán; ēng to thāi-sí lín ê siāu-liān lāng; lín hiah ê bé hō· lāng khan--khì, iāⁿ-lāi ê chhau-bī chhèng kàu lín ê phīⁿ-khang; lín iáu-kú bô kui-ng Goá; che sī Iâ-hô-hoa kóng--ê. ¹¹Goá chia-tó lín tiōng-kan kúi-nā ê siāⁿ, chhin-chhiūⁿ Siōng-tè chia-tó Sók-to-má Gô-mô·-lāh chit-iūⁿ, lín chhin-chhiūⁿ chit-tè-á chhā tui hé-tiōng thiū-chhut-lāi; lín iáu-kú bô kui-ng Goá; che sī Iâ-hô-hoa kóng--ê. ¹²Í-sek-liát ah, só·-í Goá beh án-ni khoán-thāi lí; tui-tiòh Goá beh án-ni khoán-thāi lí, Í-sek-liát ah, lí tiòh pī-pān lāi kíⁿ lí ê Siōng-tè. ¹³Hit ê chhòng-soaⁿ chō-hong, chiong I ê sim-ì chí-sī lāng, hō· chá-khí-sī piàn-choē o·-àm, kha táh tī toē--nih koāiⁿ ê só·-chāi--ê, I ê miā chiū-sī bān-kun ê Siōng-tè Iâ-hô-hoa.

⁵Í-sek-liát-ke ah, tiòh thiaⁿ chit ê oē, chiū-sī Goá só· lūn-kàu lín ê ai-ko. ²Í-sek-liát peh-siⁿ poáh-tó, boē koh khí-lāi; siū hiat tī toē--nih, bô lāng hū i khí-lāi. ³In-ūi Chú Iâ-hô-hoa án-ni kóng, Í-sek-liát-ke ê siāⁿ, chhut chit-chheng lāng--ê, chí-ū chhun chit-pah; chhut chit-pah--ê, chí-ū chhun cháp--ê. ⁴In-ūi Iâ-hô-hoa tui Í-sek-liát-ke kóng, Lín tiòh chhē Goá, chiū tit-tiòh oáh. ⁵Bòh-tit chhē Pek-ték-lī, bòh-tit jíp Kiat-kah, bòh-tit kè-khì Piát-sī-pa; in-ūi Kiat-kah tek-khak hō· lāng liáh, Pek-ték-lī iā beh kui tī bô. ⁶Lín tiòh chhē Iâ-hô-hoa chiū tit-tiòh oáh; kiaⁿ-liáu I chhin-chhiūⁿ hé hoat-chhut tī Iok-sek ê ke, sio tī Pek-ték-lī, bô lāng phah-sit. ⁷Lín chia-hē hō· kong-pēng piàn-choē in-tin, chiong kong-gī hiat tī toē--nih--ê, lín tiòh chhē hit--ê chō Báu-chhiⁿ kap Chham-chhiⁿ, hō· sí-ìm piàn-choē chá-khí-sī, hō· jít--sī piàn-choē o·-àm-mi;

kiò hái-chúi lâi piàⁿ tī toē--nih-ê, I ê miâ sī Iâ-hô-hoa; I hō· kiông-béng-ê hut-jiân tú-tiòh pāi-bô, tì-kàu oē-só· tú-tiòh pāi-bô. ¹⁰Chiah ê lâng oàn-hūn hit-ê tī siáⁿ-m̄ng chek-pī lâng-ê, iàm-òⁿ hit-ê kóng cheng-tit-oē--ê. ¹¹In-ūi lín thún-táh sòng-hiong lâng, lèk-sek i ê bēh, só·-í lín ēng tiau-tok ê chiòh khí-chhù, chóng-sī boē tit-tiòh khiā tī hit lâi-bīn; chai-cheng hó ê phû-tô-hūg, iā bô thang lim i ê chiú. ¹²In-ūi Goá chai lín ê choē-koà cháiⁿ-iūⁿ ê choē, lín ê pháiⁿ cháiⁿ-iūⁿ ê toā; lín pháiⁿ khoán-thāi gī-lâng, siū pó·-lō·, tī siáⁿ-m̄ng-kháu oan-óng sòng-hiong lâng. ¹³Só·-í thong-tát ê lâng khoàⁿ-kìⁿ chit-hō sī-sè, beh chēng-chēng bô kóng-oē; in-ūi sī-sè chin pháiⁿ. ¹⁴Lín tiòh kiū-hó m̄-thang kiū-pháiⁿ, hō· lín tit-tiòh oáh; án-ni Iâ-hô-hoa bān-kun ê Siōng-tè beh kap lín tī-teh, chiều lín só· kóng. ¹⁵Tiòh oàn-hūn pháiⁿ, ài hó, tī siáⁿ-m̄ng kiāⁿ kong-gī ê sím-phoàⁿ; kiám-chhái Iâ-hô-hoa, bān-kun ê Siōng-tè, beh si-un tī Iok-sek chhun ê peh-siⁿ. ¹⁶Só·-í Chú bān-kun ê Siōng-tè Iâ-hô-hoa án-ni kóng, Tī it-chhè khui-khoah ê só·-chāi beh ū ai-khàu, tī ták-tiâu koe-lō· beh ū lâng kóng, Chhám ah, chhám ah! koh beh kiò choh-chhân lâng lâi thi-khàu, kiò gâu chhiūⁿ ai-ko--ê, lâi ai-khàu. ¹⁷Tī lóng-chóng ê phû-tô-hūg iā beh ai-khàu; in-ūi Goá beh tui lí tiong-kan keng-kè; che sī Iâ-hô-hoa kóng--ê.

¹⁸Lín òng-bāng Iâ-hô-hoa ê jít--ê, ū chai-ē ah! Lín siáⁿ-sū òng-bāng Iâ-hô-hoa ê jít ah? hit-jít sī àm, m̄-sī kng. ¹⁹Sī chhin-chhiūⁿ lâng siám-pī sai lâi cháu, koh tú-tiòh hīm; jíp chhù chhiú oá piah, chiū hō· choā kā-tiòh. ²⁰Iâ-hô-hoa ê jít kiám m̄-sī àm-àm bô kúg, o·-àm bô kng-bēng mah? ²¹Goá iàm-òⁿ khoàⁿ-khin lín ê choeh-kí, iā bô hoaⁿ-hí lín ê giâm-siok-hoē. ²²Lín sui-jiân hiàn sio-chè kap lín ê sò·-chè

hō· Goá, Goá iā bô hoaⁿ-hí; lín hiàn pui ê cheng-siⁿ choē siā-un-chè, Goá bô beh kàm-láp. ²³Tiòh hō· lín chhiūⁿ-koa ê siaⁿ lī-khui Goá; in-ūi lín toāⁿ-khim ê tiâu, Goá bô beh thiaⁿ. ²⁴Tók-tók tiòh hō· kong-pēng chhin-chhiūⁿ toā-chúi tit-tit lâu, hō· kong-gī chhin-chhiūⁿ tng lâu ê kang-hô. ²⁵Í-sek-liát-ke ah, lín tī không-iá sì-cháp nī, ū ēng chè-sū kap lé-mih hiàn hō· Goá bô? ²⁶Lín kng lín ê ông Se-khut, kap lín ê siōng Kì-ūn, chiū-sī lín ê siōng-tè ê chhiⁿ, ūi-tiòh pún-sin só· chō--ê. ²⁷Só·-í Goá beh hō· lín siū-liáh kàu Tāi-má-sek ê goā-bīn; che sī Iâ-hô-hoa kóng--ê, I ê miâ sī bān-kun ê Siōng-tè.

6 Tī Sek-an bô khoàⁿ-lū--ê, tī Sat-má-lī-a soaⁿ liáh-choē ún-tàng--ê, tī bān-kok-tiong choē tē-it kok ê siú-léng, chiū-sī Í-sek-liát-ke só· kui-oá--ê, ū chai-ē ah. ²Lín tiòh khi Kah-nī lâi khoàⁿ, tui hia khi kàu toā-siáⁿ Hap-má; koh lóh-khi Hui-lī-sū ê Ka-ték; in kiám ū khah-iáⁿ chiah ê kok mah? in ê keng-kài pí lín ê keng-kài khah khoah mah? ³Lín ka-kī liáh-choē kàng chai-ē ê jít iáu-kú hūg, hō· pō-giòk ê chō-ūi kūn-oá. ⁴Lín tó tī chhiūⁿ-gê ê bīn-chhūg, the tī không-chhūg, chiáh iūⁿ-kūn-tiong ê iūⁿ-á, kap tiâu-lāi ê gū-á, ⁵toāⁿ-khim toāⁿ-sek, chhiūⁿ la-ēng ê koa-khek, ūi ka-kī choē gák-khi, chhin-chhiūⁿ Tāi-pít. ⁶Ēng oáⁿ lim-chiú, ēng siōng-hó ê iū ka-kī boah; chóng-sī bô ūi Iok-sek ê pāi-hoāi tam-iu. ⁷Só·-í in beh tī siū-liáh ê lâng ê tiong-kan tāi-seng siū-liáh; the tī không-chhūg ê lâng in ê iàn-lók beh bô-khi.

⁸Bān-kun ê Siōng-tè Iâ-hô-hoa kóng, Chú Iâ-hô-hoa kí ka-kī lâi chiū-choā kóng, Goá iàm-chiān Ngá-kok ê ēng-hoā, oàn-hūn i ê kiong-tiān; in-ūi án-ni Goá beh chiong siáⁿ, kap kī-tiong só·-ū--ê, lóng kau-hù tui-ték.

⁹Hit-sī nā chhun chấp-lâng tī chit keng chhù, iah lóng beh sí; sí-lâng ê kai-chhin, chiū-sī sio i ê sin-si--ê, kā i hū--khí lâi, beh toà i ê si-hai chhut chhù-goā, chiū m̄ng lâi-pâng ê lâng, kóng, Lí hia iáu ū lâng bô? i in kóng, Bô; i chiū kóng, M̄-thang chhut-siaⁿ; in-ūi lán m̄-thang kóng-khí Iâ-hô-hoa ê miâ. ¹¹Khoàⁿ ah, Iâ-hô-hoa chhut bēng-lēng, phah toā-keng chhù hō· i chhui-chhui, phah soē-keng chhù hō· i līh-līh--khui. ¹²Bé kiám oē pháu tī chiōh-poāⁿ-tēng mah? Lâng kiám oē ēng gū lôe tī-hia mah? Lín keng-jiân hō· kong-pēng piàn-choē khó·-táⁿ, hō· kong-gī ê ké-chí piàn-choē in-tin. ¹³Lín hoaⁿ-hí hu-ké ê sū, iā kóng, Goán kiám-m̄-sī ēng ka-kī ê khui-lát chhú n̄ng-ki kak mah? ¹⁴Iâ-hô-hoa bān-kun ê Siōng-tè kóng, Khoàⁿ ah, Í-sek-liát-ke, Goá beh heng-khí chit-kok kong-kek lín; in beh khó·-chhó· lín, tui jip Hap-má ê lō· kàu A-lah-pa ê khoe.

7 Chú Iâ-hô-hoa hō· goá khoàⁿ-kìⁿ chit-hāng; khoàⁿ ah, kā ông koah-chháu liáu-āu, chháu koh hoat-siⁿ; tú-á koh hoat ê sí, I hō· chháu-meh chhut. ²Chháu-meh chiāh-oân hit ê keng-lāi chhiⁿ-chhui ê mih, goá chiū kóng, Chú Iâ-hô-hoa ah, kiū Lí siā-bián; Ngá-kok thái-thó khiā-oē-tiâu ah? in-ūi i sī bī-soē. ³Iâ-hô-hoa ūi chit ê sū thè-hoé; Iâ-hô-hoa koh kóng, Chit ê sū bô beh chiāⁿ.

⁴Chú Iâ-hô-hoa koh hō· goá khoàⁿ-kìⁿ chit-hāng; khoàⁿ ah, Chú Iâ-hô-hoa kiò hé lâi chek-hoát; hé it-chīn sio chhim-ian, iah beh thun-chiāh toē; goá chiū kóng, Chú Iâ-hô-hoa ah, kiū Lí thēng-chí; Ngá-kok thái-thó khiā-oē-tiâu ah? in-ūi i sī bī-soē. ⁶Iâ-hô-hoa ūi chit ê sū thè-hoé; Iâ-hô-hoa koh kóng, Chit ê sū iā bô beh chiāⁿ.

⁷I koh hō· goá khoàⁿ-kìⁿ chit-hāng; khoàⁿ

ah, ū chit-choā chhiūⁿ sī chiàu chin-soàⁿ khí-ê; Chú khiā tī hit téng-bīn, chhiú thèh chin-soàⁿ. ⁸Iâ-hô-hoa tui goá kóng, A-mô·-sū ah, lí khoàⁿ-kìⁿ sím-mih? goá kóng, Khoàⁿ-kìⁿ chin-soàⁿ. Chú kóng, Khoàⁿ ah, Goá beh khan chin-soàⁿ tī Goá ê peh-siⁿ Í-sek-liát tiong; Goá bô beh koh khoan-sù in. ⁹Í-sat ê soaⁿ-thâu-toāⁿ beh pha-hng, Í-sek-liát ê sēng-só· beh hong-hoé; Goá beh khí-lâi, ēng to kong-kek Iâ-lô-pho-àm ê ke.

¹⁰Tng-sī Pek-ték-lī ê chè-si, A-má-siā, chhe lâng kàu Í-sek-liát ông Iâ-lô-pho-àm hia kóng, A-mô·-sū tī Í-sek-liát chók-tiong kè-bô· kong-kek lí; chit ê toē-hng boē kham-tit i kóng chiaⁿ ê oē. ¹¹In-ūi A-mô·-sū án-ni kóng, Iâ-lô-pho-àm beh hō· to thái-sí, Í-sek-liát peh-siⁿ koat-toàn beh siū-liáh lī-khui pún só·-chāi. ¹²A-má-siā koh tui A-mô·-sū kóng, Lí chit ê sian-kiàn ah, khi--ah, tiōh cháu--khi Iū-tāi toē, tī-hia thàn-chiāh, tī-hia choē sian-ti. ¹³Chóng-sī m̄-thang koh tī Pek-ték-lī kóng sian-ti oē; in-ūi tī chia ū ông ê sēng-só·, ū ông-ke ê kiong-tiān. ¹⁴A-mô·-sū chiū tui A-má-siā kóng, Goá pún m̄-sī sian-ti, iah m̄-sī sian-ti ê kiáⁿ; goá sī chhi cheng-siⁿ ê lâng, koh sī tī lí sng-chāi-chhiū--ê. ¹⁵Goá teh kò· iūⁿ-kūn ê sí, Iâ-hô-hoa keng-tiâu goá, Iâ-hô-hoa tui goá kóng, Khi ah, tui Goá ê peh-siⁿ Í-sek-liát soan-thoân. ¹⁶Taⁿ lí tiōh thiaⁿ Iâ-hô-hoa ê oē; lí kóng, M̄-thang soan-thoân lâi kong-kek Í-sek-liát, m̄-thang kóng-oē lâi kong-kek Í-sat ê ke. ¹⁷Só·-í Iâ-hô-hoa án-ni kóng, Lí ê bó· beh tī siāⁿ-lāi choē chhióng-ki, lí ê kiáⁿ cha-bó·-kiáⁿ beh sí tī to-ē; lí ê toē, lâng beh ēng soh niū lâi pun i; lí pún-sin beh sí tī ù-oē ê só·-chāi; Í-sek-liát peh-siⁿ koat-toàn beh siū-liáh lī-khui pún só·-chāi.

8 Chú Iâ-hô-hoa hō· goá khoàⁿ-kìⁿ chit-

hang; goá khoàⁿ-kìⁿ chít-kheng hē-thiⁿ ê ké-chí. ²I kóng, A-mô-sū ah, lí khoàⁿ-kìⁿ sím-mih? goá kóng, Khoàⁿ-kìⁿ chít-kheng hē-thiⁿ ê ké-chí. Iâ-hô-hoa chiū tui goá kóng, Goá ê peh-siⁿ Í-sek-liát ê boát-kì kàu--lah; Goá tek-khak bô koh khoan-sù in. ³Chú Iâ-hô-hoa kóng, Hit-jít kiong-tiān ê chhiūⁿ-koa beh piàn-choè thī-khau; beh ū choē-choē sin-si tī ták só·chāi hiat-kák, lāng lóng chēng-chēng. ⁴Lín chiaⁿ-ê ài thun-chiáⁿ sòng-hiong lāng, hō· chit só·chāi ê khùn-khó· lāng soe-pāi--ê, tiōh thiaⁿ chit ê oē. ⁵Lín kóng, Gêh ê chhoe-it sím-mih sī kè-khì, hō· goán thang thiò gō·kak? an-hioh-jít sím-mih sī kè-khì, hō· goán thang boē bēh, ēng soē ê i-hoat, ēng tâng ê sià-khek-lék, ēng khui-chà ê thian-pēng lāi piàn lāng; ⁶thang ēng gūn boē sòng-hiong lāng, ēng chít-siang oē oāⁿ kēng-chhiaⁿ ê lāng, chiong pháiⁿ ê bēh boē hō· lāng? ⁷Iâ-hô-hoa kí Ngá-kok ê ēng-hoā lāi chiū-choā kóng, In lóng-chóng ê só·choē, Goá éng-oán bô boē-kì-tit. ⁸Chit ê toē kiám bô beh in-ūi án-ni lāi iô-choah, khiā-khí hit tiong-kan--ê, kiám bô beh pi-ai mah? Chit ê toē beh chhin-chhiūⁿ Toā-hô tiòng--khí-lāi; iā beh tín-tāng, thè-kē chhin-chhiūⁿ Ai-kíp hô. ⁹Chú Iâ-hô-hoa kóng, Kàu hit-jít, Goá beh hō· jít-thâu tī jít-tiong-tàu chiū lóh--khì, hō· toē tī tng-thâu-pêh-jít piàn o·àm. ¹⁰Goá beh hō· lín ê choeh-kì piàn-choē pi-ai, koa-khek lóng piàn-choē ai-ko, beh hō· chēng-lāng io hā moa-pò, thâu-khak bô poāⁿ kì m̄ng; koh hō· i pi-ai chhin-chhiūⁿ sí ko·siⁿ ê kiáⁿ, kàu-bé chhin-chhiūⁿ thòng-khó· ê jít chit-iūⁿ.

¹¹Chú Iâ-hô-hoa kóng, Khoàⁿ ah, jít-chí beh kàu, Goá beh hō· ki-hng kàu tī chit só·chāi, ki-hng m̄-sī in-ūi bô piáⁿ, chhui-ta m̄-sī ūi-tiōh bô chúi, chiū-sī in-ūi bô thang thiaⁿ

Iâ-hô-hoa ê oē. ¹²In beh sì-koē khì, tui chit ê hái kàu hit ê hái, tui pak kàu tang; cháu-lāi cháu-khì, chhē-kiū Iâ-hô-hoa ê oē, iāh chhē-bô. ¹³Tng hit-jít, súi ê chāi-sek-lú kap siàu-liân ê ta-po·lāng beh in-ūi chhui-ta lāi hūn-khì. ¹⁴Hiah ê kí Sat-má-lī-a ê choē lāi chiū-choā, koh kí Tàn oáh ê Siōng-tè lāi chiū-choā; koh kí Piat-sī-pa ê oáh-lō· lāi chiū-choā--ê, in tek-khak poáh-tó, éng boē koh khí--lāi.

9 Goá khoàⁿ-kìⁿ Chú khiā tī chè-toāⁿ-piⁿ; I kóng, Lí tiōh phah thiāu-táu, hō· m̄ng-tēng tín-tāng; phah-chhui i lāi siong-tiōh chēng-lāng ê thâu-khak; in só· chhun ê lāng, Goá beh ēng to thāi, bô chit-ê cháu oē lī; bô chit-ê oē tit-tiōh kiū. ²In sui-jian kút kàu im-kan, Goá ê chhiūⁿ beh tui-hia liāh in chhut-lāi; sui-jian chiūⁿ kàu thiⁿ, Goá beh tui-hia liāh in lóh--lāi; sui-jian bih tī ka-bit soaⁿ-téng, Goá beh chhiau-chhē, tui-hia liāh in chhut-lāi; sui-jian siám-pī Goá ê bák-chiu-chēng, bih tī hái-toé, Goá beh tui-hia bēng-lēng choā, i beh kā in; ⁴sui-jian siū-liāh tī tui-ték ê bīn-chēng, Goá beh tui-hia bēng-lēng to-kiām, i beh thāi in; Goá beh chù-bák khoàⁿ i, sī beh kàng chai-ē, m̄-sī beh kàng hok-khì. ⁵In-ūi Chú bān-kun ê Iâ-hô-hoa bong toē, toē chiū siau-iūⁿ; kìⁿ-nā khiā-khí hit tiong-kan--ê beh pi-ai, choān-toē beh chhin-chhiūⁿ Toā-hô tiòng--khí-lāi, iāh beh thè-kē chhin-chhiūⁿ Ai-kíp hô. ⁶Tī thiⁿ-téng khí I ê pāng-keng, tī toē-chiūⁿ hē kiong-chhong ê toē-ki, kiò hái-chúi lāi piāⁿ tī toē--nih-ê, I ê miā sī Iâ-hô-hoa. ⁷Iâ-hô-hoa kóng, Í-sek-liát lāng ah, Goá kiám bô khoàⁿ lín chhin-chhiūⁿ Kó·sit lāng mah? Goá kiám-m̄-sī chhoā Í-sek-liát lāng chhut Ai-kíp toē, Hui-lī-sū lāng chhut Ka-hui-thok, A-lān lāng chhut Kiat-jīⁿ mah? ⁸Khoàⁿ ah, Chú Iâ-hô-hoa chù-bák khoàⁿ chit ê ū-choē ê kok,

Goá beh tùi toē-chiūⁿ biát--i; chóng-sī bô beh ít-chīn biát Ngá-kok ê ke. che sī Iâ-hô-hoa kóng--ê. ⁹Khoàⁿ ah, Goá beh chhut bēng-lēng tī bān-kok-tiong poà Í-sek-liát-ke, chhin-chhiūⁿ ēng poà-ki poà gō-kak, bô chít-liáp tēng--ê ka-láuh toē. ¹⁰Goá ê peh-sìⁿ tiong-kan lóng-chóng ū-choē ê lāng kóng, Chai-ē boē jip-tiòh goán, iáh boē tú-tiòh goán-ê, in beh sí tī to-ē.

¹¹Kàu hit-jit Tāi-pit í-keng tó ê pò-pīⁿ, Goá beh koh kâ i khiā--khí-lâi, iā beh pò i ê phòa-khiah, beh khí i hiah ê tó-hoāi--ê, lâi kiàn-líp i, chhin-chhiūⁿ chá-si chít-iūⁿ; ¹²hō in tit-tiòh Í-tong iáu chhun--ê choè-giáp, iáh tit-tiòh hiah ê ēng Goá ê miâ lâi chheng ê goā-pang. Che sī kiāⁿ chit ê sū ê Iâ-hô-hoa só kóng--ê. ¹³Iâ-hô-hoa kóng, Khoàⁿ ah, jit-chí beh kàu, loē-chhân--ê beh jip-tiòh siu-koah--ê, tǎh phû-tô--ê beh jip-tiòh iā-chéng--ê; toā-soaⁿ beh tih tīⁿ-chiú, sió-soaⁿ beh lâu ni. ¹⁴Goá beh hō Goá ê peh-sìⁿ Í-sek-liát siū-liáh--ê tò-tng-lâi; in beh koh khí hong-hoē ê siāⁿ lâi khiā-khí, chai phû-tô-hng, lâi lim i ê chiú, choh hng, lâi chiáh i ê ké-chí. ¹⁵Goá beh chai-poē in tī pún thó-toē; in bô koh tú-tiòh puih-chhut tī Goá só hō in ê toē; che sī Iâ-hô-hoa lí ê Siōng-tè kóng--ê.